

STARCATHERVS ATHLETA SVEONVM.



STarcatherus Storuercki Sueonis filius, magnæ fortitudinis athleta (unde & nomen accepit) ad Frothonis regis Daniæ aulam peruenit, atq; ob uirtutes ei gratissimus extitit. Is enim excellentius humano habitu corpus à natura fortitus, ita id animi magnitudine æquabat, ut nulli mortalium uirtute cedere putaretur. huius tam latè patens claritas fuit, ut adhuc celeberrima factõrũ eius ac nominis opinio perseueret. Neq; enim solùm apud Danos egregijs operum titulis coruscabat, uerùm etiam apud omnes Sueonum Saxonumq; prouincias speciosissima sibi monumẽta peperit, ut à quibusdam à dijs Septentrionali-

bus Othino & Thor prognatus uideretur. Nam præter corporis uirtutes etiam omnis generis artibus atq; condendorum carminum peritia insignis fuit, & trium seculorum ætates acquisiuit.